

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІҢ

ДЕПУТАТЫ



ДЕПУТАТ

МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Астана, Парламент Мәжілісі
20 __ жылғы «__» _____
№ _____

010000, Астана, Мажилис Парламента
«__» _____ 20 __ года

Қазақстан Республикасының
Бас прокуроры
Б. Н. Асыловқа

2023 жылы 5 сәуірде жарияланды

ДЕПУТАТТЫҚ САУАЛ

Құрметті Берік Ноғайұлы!

Ендігі өзінізге анық-қанығы белгілі болғандай, Петропавл қаласында (СҚО) болған, **СЕПАРАТИЗМ СИПАТЫНДАҒЫ** оғаш оқиға Қазақстандағы сепараттық-жікшілдік пиғылдың өте актуальды тақырып екенін тағы бір рет көрсетті. Мемлекетіміздің территориялық тұтастығы мен тәуелсіздігіне қауіпті әлеуметтік элементтердің ауық-ауық бой көрсетуі «Жаңа Қазақстан» идеясына қарсы бағытталған және оған тікелей төнген қатердің бірегей белгісі деп бағалау керек.

Ел ішіне жік салу синдромы қоғамның қатты алаңдаушылығы мен зығырданын туғызып отырғанын баса айту керек. Сіз бен біз қоғамға жарқышақ салуға үмтүлған бұл мемлекеттік қасқунемдікке қызмет бабымен ғана емес, азаматтық жауапкершілік пен перзенттік парыз тұрғысында қатты алаңдаушылық білдіруіміз керек.

Иә, ел Конституциясы мен тиісті мемлекеттік заңдар кез келген **СЕПАРАТИЗМГЕ** қарсы тұра алады. Бірақ елдің тұтастығы мен халықтық мұдденің қасиетін қорғайтын **«ҰЛТТЫҚ НАМЫС»** деп аталатын тағы бір құдыретті күш бар.

Осыған байланысты, Сізге депутаттық сауал жолдауымның ендігі мәні: біздің ұлы құндылығымыз – елдің ұлттық намысын қорғау жолында әртүрлі себептермен сottы болған азаматтарға байланысты болмақ.

МАРҒҰЛАН БОРАНБАЕВ әлеуметтік желіде ұлттық намысты қорғау сипатындағы жазбалары үшін ҚР Қылмыстық кодексінің 174 және 179-бабы («Ұлтаралық алауыздықты қоздыру» және «Конституциялық құрылышты құшпен өзгерту») бойынша, Алматы қаласы Алмалы аудандық сотының шешімімен 2022 жылғы наурызда 5 жылға сottалды.

ДАНАТ НАМАЗБАЕВ Фейсбук желісіндегі жазбалары үшін, «ұлтаралық алауыздықты қоздырды» деген айыппен – ол да бес жылға сottaлды. Анығында, бұл азаматтар «ұлтаралық араздықтан» бұрын, **ҚАЗАҚ ХАЛҚЫНЫҢ** намысын жыртып, ұлттық мұддені қорғап, әлеуметтік желілердегі сепаратистік көзқарастарға қарсы шыққаны үшін сottы болды. Осы да әділеттілік пе, президент Қ. Ж. Тоқаев мырза мұрындық болған «Әділетті Қазақстанның» мұраты осы ма еді?!

Мен әdілетсіз сottы бұл азаматтарды интернеттің виртуалды әлемінде Қазақстанның ұлттық мұддесіне араша түсіп жүрген намыской жігіттер ретінде біletін едім. Бұл екеуіне қатысты тергеу ісінен бастап, кейіннен өткен бірнеше сот отырысына журналист ретінде қатыстым, бұл азаматтарды сottауга желеу болған «алауыздықты қоздыру» сараптамасын оқыдым.

Сондағы көзім жеткен жағдай – әлеуметтік желілер арқылы қазақтың ұлттық намысын қорғау жолында тәуекелге барған бұл жігіттерге өрескел **ҚИЯНАТ** жасалды. Бәлкім, сол кездері Қазақстанның төнірегінде қоюланған геосаяси жағдайдың «мұртын басу» үшін, халықаралық саясаттың талабымен сондай шектеу әрекеттері жасалуы керек болған шығар.

Бірақ, көршілес елдердің саяси елірмелері Қазақстанға, оның территориялық тұластығы мен тәуелсіздігіне күмән келтіріп, аузына келгенін айтып және жазып жатқан алауыздық пікірлермен салыстырғанда, Марғұлан Боранбаев пен Данат Намазбаевтың әлемжелідегі әрекеті баланың ойыны болып қалды. Оларға қатысты жасалған қиянат пен әdілетсіздік осы салыстырудан туындейды. Бір ел неге өзінің сынарезу саясатшыларына тыйым салмайды, біздің ел неге өзінің елдік мұддесі мен халықтың намысын қорғаған азаматтарын сottайды?

Қазақстанның тұластығы мен тәуелсіздігіне күмән келтіріп, ешбір тарихи негіzsіз халықаралық алауыздықтың көрігін қыздырған жекелеген ресейлік депутаттар мен тележурналистер «орыс патриоттары» болып саналса, өз халқының намысын жыртқан, сол үшін тағдырлары тәлекекке түсіп, сottы болған Марғұлан мен Данат неге қазақ халқының патриоттары бола алмайды?

Қазақ халқы мен Қазақстан мемлекеттігінің біrlігіне қарсы жарты әлемге жар салған көрші елдің «ұраншылары» қылмыстық сотқа тартылмақ түгілі, өз билігі мен тиісті органдары тарапынан әкімшілік тұрғыда ескерту де алған жоқ. Ал ел намысы үшін әлеуметтік желіде пікір айтқан біздің екі жігіт неге сottы болады?

Бұған дейін Қазақстанда болып келген сепаратизм синдромын және Петропавл қаласында болған соңғы жікшілденуге ұрандаған жағдайды ескере отырып, Марғұлан Боранбаев пен Данат Намазбаевқа қатысты шыққан үкімді қайтадан қарайтын уақыт та, саяси себеп те, ұлттық қауіпсіздік мұқтаждығы да туды деп есептеймін!

Құрметті, Бас прокурор мырза!

Ұлттың қауіпсіздігі мен оның болашағы алдында сіздің жауапкершілігіңіз лауазымдық қызмет шенберімен ғана шектелмейді деп білем. Сіздің құзыретті қызметтегі сезінің бен ісіңізден ел алдындағы азаматтық жауапкершілігіңіз мол екенін журналист ретінде андал жүрмін.

Ал мен өзімнің депутаттық сауалымда атын атаған Марғұлан мен Данат – Сіздің осы азаматтық сезіміңізге серіктес жігіттер. Олар президент Қасым-Жомарт Тоқаев мырзаның «Жаңа Қазақстан» идеясына қызмет етуге күш-қарымы кең-молынан жететін ел патриоттары. Мұндай табанды жігіттер түрмеде отырмауы керек, олар әділетті Қазақстанның жаршысы болуы тиіс және «Жаңа Қазақстан» идеологиясына қоғамды жұмылдыра алатын публицистік пәрмені мол жігіттер!

Сіздің есіңізге салайын: Халықаралық құқықкорғаушы үйымдар М.Боранбаев пен Д.Намазбаевты «саяси тұтқындар» тізіміне енгізген. Демек, бұл жағдай Қазақстанның халықаралық имиджіне де кері әсерін тигізіп, ел президенті К.К. Тоқаев мырзаның әлемдегі дамыған демократиялық елдер басшылығымен ресми кездесулері кезінде үнемі алдынан шығатын келеңсіз тақырыпқа айналуда. Бұл бізге керек пе?

Құрметті, Берік Ноғайұлы!

Сөз сонында Сізден сұраймын:

Өзіңіздің Бас прокурорлық құзыретіңізді пайдалана отырып, Қазақстан Республикасының Жоғарғы сотынан елінің ұлттық мұддесін қорғау жолында сottы болған нағызының жігіттер Марғұлан Боранбаев пен Данат Намазбаевқа қатысты қылмыстық істердің **ЗАҢ ТАЛАПТАРЫНА СӘЙКЕС ЖАҢАДАН АШЫЛҒАН МӘН-ЖАЙЛАРҒА БАЙЛАНЫСТЫ** (вновь открытие обстоятельства) қайта қаралып, әлеуметтік әділеттіліктің орнауына **ЫҚПАЛ ЕТУІНГІЗДІ** сұраймын.

ҚР Парламенті Мәжілісінің депутаттары

**Е. Бапи
Р. Зaitов
Қ. Иса
А.Құспан**

орында: A.Ауталирова

тел.: 74-60-51

Результаты согласования

06.04.2023 12:10:43: Құспан А. Т. (Комитет по законодательству и судебно-правовой реформе) - - согласовано без замечаний

06.04.2023 12:13:12: Зайтов Р. Р. (Комитет по социально-культурному развитию) - - согласовано без замечаний

06.04.2023 12:13:29: Иса Қ. Ж. (Комитет по социально-культурному развитию) - - согласовано без замечаний